



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Tractatus De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

15. An etiam illis, qui ob contagionem vitandam ex parochia in qua est promulgatum Decretum Concilij Tridentini matrimonia clandestina irritans, fugerunt in externam parochiam, in qua illud non est ...

**urn:nbn:de:hbz:466:1-41077**

Deinde Concilium non prohibet absolute matrimonium absque dicta licentia, sed præcipit parochis, ut diligentiam præmittant, licentiamque petant: Ergo eius omisio culpa erit, graui quidem pæna digna: suspenditur enim parochus ob illam ab officio suo ad triennium, non tamen vitabit matrimonium.

### QVÆSTIO XV.

An etiam illis, qui ad contagionem vitandam ex parochia, in qua est promulgatum decretum Concilij Tridentini, matrimonia clandestina irritans, fugerunt in externam parochiam, in qua illud non est promulgatum?

#### Questionis explicatio.

**M**atrimonia clandestina valida sunt in iis locis, in quibus Decretum Concilij Tridentini illa annullans non est promulgatum, ut patet ex ipso (a) Concilio: Imo valida sunt, si illud quidem promulgatum fuit, sed non receptum, vel prædicatum, & lapsi sunt decem anni, secundum communem (b) Theologorum.

Quinimo

a Sess. 24. de  
matrim. c. 1.  
in fine.

b c. 1. de reu-  
ga & pace



Quinimo valida sunt etiam in illis oppidis & parochiis, vbi haecenus promulgatum & practicum fuit: sed modo expulsis pastoribus Catholicis, fideles, qui adhuc in eis haerent, carent proprio parochio: Sic enim rescripsit Illustrissimus & Reuerendissimus Cardinalis Bellarminus, Illustrissimo & Reuerendissimo Domino Octavio, Episcopo Tricaricensi his in partibus, Nuncio Apostolico, anno 1600. die 30. Decembris. *De matrimoniis contractis, vbi nulli iam sunt proprii pastores, iam olim actum fuit cum S. D. N. & cum congregatione Concilij Tridentini, ac sententia communis fuit illa, esse rata, nec ad ea pertinere Decretum Concilij, cum in eiusmodi locis obseruari non possit. Non video ergo, cur ea matrimonia non debeant tollerari, cum satis constet, Concilij Decretum, quod iubet matrimonium fieri coram parochio, non se extendere ad ea loca, vbi nulli sunt parochi. Horum occasione quaeritur, quid si aliqui peste infecti ex parochia, in qua est promulgatum illud decretum irritans, fugiant in parochiam, in qua non est promulgatum vel receptum, & velint ibi excaus antedictis matrimonium contrahere, tenebitur illis pastor suam praesentiam exhibere?*

*Responsio.*



*Responsio.*

**N**ON tenebitur: Quia, quicquid aliqui dicant, probabilius putamus, peregrinos à domicilio absentes, non teneri legibus sui domicili, si contrariæ vigeant in loco ubi reperiuntur.

Deinde ut detur illos obligari legibus domicili, tamen quoad solemnitatem adhibendam in contractibus solæ leges loci, in quo contractus celebrantur, inspiciuntur: Locus autem, ubi hoc matrimonium initur, non petit eam parochi & testium solemnitatem ad matrimonii valorem, cum ibi decretum Concilii Tridétini non obliget, ut statim diximus: Ergo, &c.

Dices. Decretum annullans semel publicatum in aliqua parochia, afficit parochianos quocunque migrent, quia advenientes ex locis, ubi Concilium obligat, iam contraxerunt obligationem servandi id decretum: ergo quocunque eant saltem per modum transitus tenentur illud servare.

Et confirmatur. Quia Concilium irritat clandestina matrimonia, redditque ipsas personas inhabiles ad sic contrahendum, sed inhabilitas personam afficiens, cum sit  
quid



quid personale, comitatur personam quocunque euntem: ergo semel propter legitimam Concilii publicationem redditus inhabilis ad clam contrahendum nullibi terrarum poterit ita contrahere.

Respondeo: Aduenas contraxisse obligationem seruandi id Concilii decretum, quamdiu sunt in iis partibus, in quibus obligat, secus dum ad alia loca perueniunt ubi non obligat. Ad confirmationem dico, quando inhabilitas est constituta absolute, & simpliciter sequi personam quocunque euntem, secus quando constituta est per modum legis: Sicut enim lex illa non obligat in illis locis, ita inhabilitas & annullatio actus non obligat ibi, nec sequitur personam, nisi dum est in locis, in quibus ea lex vim obligandi habet.